

حرب باشلادی. موعود الهی اولان شاهد نصر وظفر موحدینه  
عرض جمال ایتدی. طاشسری، اغاجلری کندیلرینه معبود آتخاف

ایدین، انسانیتلری جاداتک بیله دوننده کورن او بدبخت مشرکار سیف مسلول توحید ثنندن - ظلمتک نوردن فراری کبی - بوتون آغیرلقلری براقهرق، الارنده کی سلاحلری آتارق قاچیورلردی . عادتلری وجهله برلکده کتیروبده احدک یوکسک برنقطه سنده حربی سیر ایتکده اولان قادینلرک هول جان ایله قاچیشلری ازککارینسک خجالت وافضاحلری کمال ایدیور، حد غایه سینه واردیریورلردی . ایشته بو اناده مذکور مفرزه افرادندن بر قسمی میدان حربده جابجا بیغیلوب قالان اشیا و اموال غنائم تحریص ایتدی . « اردومن دشمنی یوزدی، قاچیردی . میدان ظفر لواء الحمد اسلامی دراغرش ایتکده بختیار اولدی . آرتق بزم ایچین بوراسنی محافظه ایتک لزومی قالمدی . کیدلم، بزده حصه مند غنائم اولهلم » دیدیلر . قسم دیگر ایسه باشلرنده قوماندانلریله برابر « خایر! بز، ذات اقدس جناب رسالت پناه اعظمیدن (علیه الصلاة والسلام) اردوی هایون غالب، مغلوب بوراسنی حربک نتیجه قطعیه سنده قدر محافظه ایتک امر قطعیسنی آلدق . ممکن دکل موقعه یزى ولو بر آدم آتمق صورتیله ترك ایله الله ورسوله عاصی اولامیز » دیه شدتله ردایتیلر . واسفا، که حرص غنیمتله کوزلری قرارمش، موازنه ادراکلری صارصیلمش اولان معارضله سوزا کلاتمق ممکن اولامدی . مکر بونلرک حرکتلری بر دشمن سواری کشف قولی قارشیدن ترصد ایتکده ایش . خالد بن ولید کبی پک ذکی و ماهر بر قوماندانه مالک اولان بو دشمن سواریسی او مهم نقطه نك بوش قالدیغنی کورنجه درحال اردوی هایونک آرقه سینه کچدی و یغما ایله مشغول اولان غزاة اسلامه آنسزین ییلدیرم واری هجوم ایتدی .

افسوس !.. غالب ایکن مجرد سوز دیکله مه مک، امره اطاعت ایتمه مک یوزندن ماتم انکی بر فلاکت مغلوبیت یوز کوستردی ! ایوا !.. سن سعادت شهید دوشدی . یازیق! جمال باکال محمدی آل قانلره بویانهرق بوتون ارواح انیا واصفیایی، بوتون سکان سموات وعلینی کریه بارتائر وتلف ایتدی . صحابه کزیندن یتشه قریب مجاهدین بو اطاعتسزلکک قربانی اولدیلر، بی روح یرلره سریلدیلر . یا سوکیلی عم محترم رسولک، جناب حمزه نك پک وحشیانه ومفترسانه وقوع شهادتلری ... او نه مصیبت عظما اولدی !

اسم اعظم الهی به قسم ایدرم، که او کونک بو نامامول فلاکتیه هرذره کائنات آغلا یوردی . او مدهش قارغاشه لفتدن فرصت بولان ملاعین قریش وجود قدسیت نمود جناب محمدی به او قلر، مزراقلر، طاشلر، یاغدیریورلردی . یارب ! نصل قیورلردی ! نصل اللرینی قوروتیمور، ملعون وجودلری قهر وغضب ییلدیریملرکله محو ایتیموردک؟ اصحاب کزین حضراتی اکثریتله قاچیور، هر کس جان قیدیه نه طرفه کیتدیکنی بیلیموردی . جناب طلحه بن عبیدالله رضی الله عنه ولی النعمت جهان وجود اقدیمزک اوزرینه قاپامش؛ او او قلره، او طاشلره قارشى سپرک وظیفه سنی یاپیور، او ضربه لری حیاتیله دفعه چالیشیورلردی . هرشی اولدی بتدی . وجه مقدس صارغیلر ایچنده؛ مجاهدین

اصحاب قانلره، جریحه لره، ماتملره مستغرق اولهرق مدینه منوره به عودت بویوریلیوردی . اولادسز قالان بغری یانیق آنالر، قوجه - لرندن ابدیا محروم اولان کلینلر، قادینلر، بابالری غیب ایدن یتیملر رهکندار سعادتده بویونلری بوکوک، کوزلری اشک ماتم دوکوک دوریورلر، غیر اختیاری ایکله یور، یتیریورلردی . اوف ! ثوت، سن ده آغلا ! ایمانک وارسه سن ده بو عظیم مصیبتی ایکی قطره کوز یاشکله تعزیه ایله ! دیمه که: بو، پک اوزاق، اون درت عصرلق برماضی عدم آلوده عائد برماجرای فلاکت ! زیرا ولی النعمت ایمان واسلامک روضه مطهره ومعطره سنده حی در. خصوصیه امتک بوکونکی شومصیبتدن تأسفلر، تلھفلر ایچنده مضطربدر .

ایشته خاطر و خیالدن کچمز بو عظیم مصیبت بزه مجرد امره اطاعت ایتمه مک یوزندن کلدی . بو عدم اطاعت ایسه بوتون شمول معناسیله هر بریمزه عائددر . اسلامیت دعواسنده بولونان هر فردک جناب قرآن حکیمه قارشى - موقعه کوره - شخصی، اجتماعی، سیاسی برچوق وظائفی واردر . چونکه اسلاملرک قانونی، قانون اساسی آنجق اوکتاب مجیددر . مؤمنلرک مربی روح و وجدانی اودر . انسانیت اوند . جمعیت اوند . مدنیت اوند . ترقی وتجدد اوند . نصرت، سعادت اوند . هرشی اوند . شاهراه حیاتمک مصباح نور افشانی او . انصاف ایدلم ! شو طرابلس حربیله بومشوم حربک آرا سنده کی مادی، معنوی فرقلری مقایسه ایدن وجدانمزی دیکله یلم ! اونلر نیچین منصور؟ بز نه دن مقهور؟ سبی نه؟ البته سبب سز دکل . اونلر عدم ایچنده وجود کوستردیلر . بز ایسه بالعکس وجود ایچنده عدملر ایجاد ایتدک . بن، دیمک ایسته میورم که : سلاحسز، قوتسز دشمنه قارشى چقیلیر . بن ادعا ایتیمورم، که صوبالره اعدایه هجوم ایدیلرده مظفریت قازانیلر . قوه ایکی قسمدر: مادی، معنوی . نه روح وجودسز تجلی ایدر، نه ده وجود روحسز یاشار . فقط ایشته بزه طرابلس غرب مفاخر مظفریاتی غیرقابل اعتراض بر صورتده اثبات ایدیور، که اولاً قوه نامنه لازم اولان روح ایمان واسلامدر . دمیر پارچه لرندن، مواد اشتعالیه وافلاقیه دن اول لازم اولان اعتماد علی الله، استخفاف حیات، استحقار موتدر .

اولاً لازم اولان حب دیانت و ملیت، سودای وطن در . بونلر اولمازسه طوب، تفنک، جبخانه هیچدر . اسلامیت اس اساسی اوزرینه تربیه فکریه و روحیه دن محروم اولان؛ دین، ملت و طن نه دیمک اولدیغنی بیلمین، او اساس جلیل القدر اوزرینه عسکرلک کورمین، اطاعت ومهارت عسکریه سوزلری ایشتمه ی بر انسانک نظرند حیسوانی، جمادی بر حیاتدن باشقه نه نک قیمتی اولور؟ بن کوریوردم: حسلی بر عسکر بلنه قدار چامور دکزینه کیرمش، طوبی قوجا قلامش چیقارمغه بوتون قوتیله چالیشیر و کوزلرندن دوکدیکي آتشین یاشلره اللهندن استمداد ایدر، قوت ایسترن بریده « الله ورسولی عشقنه دینک، ناموسک وارسه کل ده یاردم ایت شو طوبی دشمنه

دور استیلا را ایجاد ایدر! باقیکنز بوکون کندیلرینی غالب ظن ایدرک  
بزی استخفاف ایدن دشمنلریمز فصل پیش شوکت واجالامزده زانورده  
تعظیم واجال اولور. ایشته او زمان جناب حق بزی عفو ایدر  
واوزریمزه ابواب رحمتی آچار.

هایدی اخوان دین عموماً بالاتحاد سعی وغیره! «استغفروا ربکم  
ثم توبوا الیه ان ربی رحیم ودود.» «لاتیأ سوا من روح الله انه  
لا یأس من روح الله الا القوم الکافرون»

فلکدن انتقام آلتی دیمکدر اهل ادراکه،  
ایدوب تریید غیرت مستفید اولتی ندامتدن.

محمد فخرالدین

## حدیث شریف

ثلاثة يحبهم الله عز وجل: رجل قام من الليل يتلو كتاب الله  
تعالى ورجل تصدق بميمنه يخفيها من شماله ورجل كان في سرية  
فانهزم اصحابه فاستقبل العدو

بو حدیث شریف کتب صحاحدن ترمذینک ابن مسعود رضی الله  
عنہدن روایت ایتدیکی بر حدیث شریفدر. معنای منیفی:

«اوج کیمسه نی الله تعالی عز وجل سور: بری کیجه لین  
(تهجده) قاقوب کتاب الهی تلاوت ایدن، بری صاغ  
ایله صدقه ویروب صدقه سنی صول النذن صاقلایان،  
اوجنجیسی ده بر اردو کاهده بولونوب ده آرقاداشلری  
قاجدقلری حالدده دشمنی قارشیلایارق مقاتله یه دوام ایدن  
کیمسه.»

بو حدیث شریف بر مؤمنک اولاً خالقنه، ثانیاً ابنای نوعنه،  
ثالثاً وطننه یعنی دارالاسلامه قارشی اولان وظائفی ایما ایدن جوامع  
الکلم احمدیه دندر. بر مؤمن خالقنه، ربنه قارشی تعظیم وعبادتله  
مکلفدر. فقط عبادات مفروضه سنی ادادن صوکره خواب نوشینی  
ترک ایدوب کیجه یاربیلرنده تهجده قالقان وکرک نمازده، کرک آریجه  
کتاب الهی تلاوت ایدرک مناجات رحمن ایله دمکذار اولانک حالی  
باشقه در. دینزک بنای رصینی «تعظیم لامر الله»، «شفقت علی خلق الله»  
اولدینغه کوره محتاجینه بذل معاونت هر مسلمک مقتضای دیانت بیلدیکی  
وجابنددر. آنجق بومعاونتی هر درلو تصنع و تفاخردن آزاده اولارق  
کیزلی وحسی یابانلر البته دیکر لرینه راجحدر. جهاد کافل بقای اسلام

براقیه لم. دوشدیکی چاموردن چکوب قورتارالم! «رجاسنه مخاطب  
اولان انسان قیافلی بر حیوان، باشی ثوته یه چویروب قاجیوردی.  
درکه حیوانیتک دوننده بولونان او بدبخت بیلیمورکه اودقیقه  
فرارنده نه دینی قالیور، نه ایمانی، نه ده نکاحی. بیلیمورکه او آنده  
اسلامیته، ملتته بولغاردن ده دشمن! ده اخان! ده مهین!  
بیلیمورکه بری چیقوب ده بولدورسه قاتلی غازی، کندیسیتی مرتد  
حکمنده. نه جنازه سی بیقانی، نه نمازی قیلینر، نه ده مقبره اسلامه  
دفنی جائز دکل. زمزمه ییقانسه ینه مردار. کعبه نک ایچنه کومولسه  
ینه جیفه.

اسلامیتده عسکرلک، عینیله اطاعت مطلقه دیمکدر، آمرینک  
بر اشارتنه درحال فدای جان ایله اجابت دیمکدر.

بخاری شریفک کتاب الاحکامنده: ذات اقدس جناب رسالتپناهی  
طرفندن مأموراً یمن جهتته اعزام بویورلمش بر مفرزه قوماندانی  
معیتی افرادینک درجه اطاعتلرینی اکلایم مقصدیله جعلی بر حدت  
کوستیر. اودون طویلاملرینی، صوکره آتشلمه لرینی امر ایدر.  
وقتا که اودون بیغینی آلونیر، سایه دوضری ستونلر تشکیل ایدر؛  
«جناب پیامبر افندیمز بکا اطاعت ایتیمکیزی امر بویورمدیمی؟ هایدی  
امر ایدیورم: شو آتسه آتیلکیز!» دیر. افراد اصحاب یکدیگرینه  
باقیشیرلر. آتسه آتیلیمق میلی کوستریانجه «بن سزک درجه اطاعتکیزی  
تجربه ایدیورم. دیمک کرچکدن آتسه آتیلیمکیزی امر ایتسه قبول  
ایده جکسکیز. آفرین! ممنون اولدم.» سوزیله امرینک جدی  
اولدینغی آکلایر.

ایشته یاری جهانی سلطان توحید نام اقدسنه فتح ایدن قهرمانان  
اسلام مافوقلرینک امرینی آتسه آتیلیمق راده سنه قدر تعزیز، تقدیس  
ایدرلردی.

شمعی هر شی اولدی کجدی. بر چوق اسباب مادیه و معنویه  
بزی دها دونکی چوانمزه قارشی محجوب ایتدی. مع مافییه مایوس  
اولیم. ذاتاً اسلامیتده یأسک موقعی یوقدر. اللهک رحمتدن مایوس  
اولان مسلمان دکلدر. عالم اسلام ایچنده دکل ملککنک برپارچه سنی، حتی  
بتوتی غیب ایتش و اوج درت دفعه یکیدن تأسیس حکومت وسلطنته  
موفق اولمش اعظم مجاهدین وار. تاریخ اسلام بوکی سیوف مسلوله  
قهر و جلال ایله افتخار ایتسه یری وارددر. بز بو اوج آچدیغمز  
فلاکتلردن جدأ متنبه اوله رق عقلمیزی باشمزه طویلایم. ال اله  
ویروب اتحاد ایدرک کمال ندامتله جناب قرآن حکیمه انابت ایدم.  
دوریمه لم. بر سعی اضاف مضاعفه تلاقی مافاته چالیمه لم. لکن تکرار  
ایدرم: رهبر یکانه من حضرت قرآن اولسون. کوکیز نور ایمان ایله،  
دماغمز رشد و عرفان ایله دولسون. دینزک، کمال اهمیتله امر ترقی  
وتجدد اولدینغی بیلیم. اکلایم. معارف اسلامیه درت ال ایله  
صاریله لم. کوپلریمزه مکتبلر یاپالم. روحمزه کونشیلر دوغسون.  
ظلام جهانتی ابدیاً قوغسون. باقیکنز او زمان عثمانی ملتی ینه فصل